

Rekstrarhagnaður Nýherja hf. fyrir afskriftir nam 532 mkr á árinu 2011

Helstu niðurstöður fyrir árið 2011

- Heildartekjur voru 15.480 mkr og jukust um 1.219 mkr, eða 7,9% frá árinu 2010.
- EBITDA var 532 mkr, en nam 518 mkr á árinu 2010.
- Heildartap ársins er 72 mkr, en 124 mkr er vegna virðisrýrnunar á viðskiptavild dótturfélags.
- Eigið fé í árslok var 2.187 mkr og eiginfjárhlutfall 26%.
- Góð sala á eigin hugbúnaði og stór verkefni erlendis.
- 21% aukning í vörusölu.

Þórður Sverrisson, forstjóri:

„Allar deildir og dótturfélög Nýherja hf. skila jákvæðri afkomu að einu frátöldu, en þrátt fyrir það er tap á rekstri félagsins. Tap varð af rekstri Applicon A/S í Danmörku á árinu, vegna seinkana við uppsetningu á umfangsmiklu upplýsingakerfi fyrir tólf sjúkrahús á Sjálandi og því var ákveðið að gjaldfæra hluta af viðskiptavild félagsins. Applicon í Svíþjóð skilaði ágætri afkomu og vinnur nú að innleiðingu á stórra bankalausn fyrir Landshypotek bankann sem verður afhent í lok árs 2012.

Á árinu voru átta Nýherjafyrirtæki innanlands sameinuð í þrjú, þ.e. Nýherja hf., Applicon ehf. og TM Software ehf. Starfsemi félagsins á höfuðborgarsvæðinu er nú nánast öll til húsa á tveimur stöðum í stað fjögurra. Með þessu næst fram umtalsvert hagræði í starfsemi fyrirtækjanna hérlandis. Horfur eru á batnandi rekstri erlendis og því væntingar um betri arðsemi samstæðunnar á þessu ári en árið 2011.“

Rekstrarniðurstaða ársins 2011

Árið 2011 – Lykiltölur Fjárhæðir í þús. króna		
	2011	2010
Seldar vörur og þjónusta	15.479.846	14.261.184
Vörunotkun og kostnaður við selda þjónustu	(12.378.109)	(11.149.506)
Framlegð	3.101.737	3.111.678
Rekstrarkostnaður	(2.850.103)	(2.898.630)
Virðisrýrnun viðskiptavildar	(124.281)	
Rekstrarhagnaður EBIT	140.230	228.871
Hrein fjármagnsgjöld	(223.701)	(112.081)
(Tap) hagnaður fyrir tekjuskatt	(83.471)	440.605
Tekjuskattur	(5.667)	(45.259)
(Tap) hagnaður ársins	(89.138)	395.346
Rekstrarliðir færðir beint á eigið fé	16.825	(73.928)
(Heildartap) hagnaður ársins	(72.313)	321.418
EBITDA	532.148	517.561
EBITDA hlutfall	3,4%	3,6%
Meðalfjöldi stöðugilda	533	587

- Heildarvelta nam 15.480 mkr á árinu 2011 og jókst um 1.219 mkr frá fyrra ári, eða um 7,9%.
- Meðalfjöldi stöðugilda árið 2011 var 533 en var 587 árið 2010. Stöðugildum fækkaði um 54.
- Hagnaður fyrir afskriftir, fjármagnsliði og skatta - EBITDA - var 532 mkr á tímabilinu en var 518 mkr árið 2010.

Efnahagsreikningur 31.12. 2011 – Lykiltölur Fjárhæðir í þús. króna		
	31.12. 2011	31.12. 2010
Fastafjármunir	4.279.964	4.292.246
Veltufjármunir	4.137.972	3.688.274
Eignir samtals	8.417.936	7.980.520
Eigið fé	2.186.633	2.419.911
Langtímaskuldir	2.224.852	2.373.525
Skammtímaskuldir	4.006.451	3.187.084
Eigið fé og skuldir samtals	8.417.936	7.980.520

- Langtímaskuldir hafa lækkað frá árslokum úr 2.374 mkr í 2.225 mkr.
- Skammtímaskuldir hækka á árinu um 819 mkr.
- Vaxtaberandi skuldir námu 3.212 mkr en voru 2.996 mkr í árslok 2010.
- Eigið fé í lok desember 2011 var 2.187 mkr. Eiginfjárlutfall er 26%.

Rekstrarniðurstaða á fjórða ársfjórðungi 2011

Ársfjórðungsyfirlit – Lykiltölur Fjárhæðir í þús. króna					
	F4 2011	F3 2011	F2 2011	F1 2011	F4 2010
Seldar vörur og þjónusta	4.304.520	3.505.552	3.977.088	3.692.686	3.988.414
Vörunotkun og kostnaður við selda þjónustu	(3.455.084)	(2.844.276)	(3.206.653)	(2.871.896)	(3.116.867)
Framlegð	849.436	661.276	770.435	820.790	871.547
Rekstrarkostnaður	(757.187)	(658.500)	(704.165)	(730.251)	(757.724)
Virðisrýrnun viðskiptavildar	(124.281)				
(Rekstrartap) -hagnaður (EBIT)	(29.593)	4.068	68.994	96.961	117.429
Hrein fjármagnsgjöld	(58.114)	(48.943)	(68.545)	(48.099)	38.651
(Tap) hagnaður fyrir tekjuskatt	(87.707)	(44.875)	449	48.862	233.708
Tekjuskattur	(4.270)	9.480	1.069	(11.946)	(47.973)
(Tap) hagnaður tímabilsins	(92.177)	(35.395)	1.518	36.916	185.735
Rekstrarliðir færðir beint á eigið fé	1.971	(24.705)	12.828	26.731	3.742
(Heildartap) -hagnaður	(90.206)	(60.100)	14.346	63.647	189.477
EBITDA	155.811	76.641	140.109	159.587	190.609
EBITDA hlutfall	3,6%	2,2%	3,5%	4,3%	3,4%
Meðalfjöldi stöðugilda	538	536	528	528	540

- Sala á vöru og þjónustu nam 4.305 mkr á fjórða ársfjórðungi samanborið við 3.988 mkr á sama tímabili árið 2010 og jókst því um 7,4%.
- Meðalfjöldi stöðugilda á fjórða ársfjórðungi var 538 en var 540 á sama tíma í fyrra.

- Rekstrarkostnaður var 757 mkr, svipaður og árið á undan.
- Hagnaður fyrir afskriftir, fjármagnsliði og skatta - EBITDA - var 156 mkr í ársfjórðungnum en var 191 mkr á sama tímabili árið 2010.
- Heildartap í fjórðungnum nam 90 mkr, en í ársfjórðungnum voru gjaldfærðar 124 mkr vegna virðisrýrnunar viðskiptavildar. Heildarhagnaður í fjórða ársfjórðungi 2010 nam 189 mkr.

9,4% tekjaukning og betri afkoma af innlendri starfsemi

Afkoma af rekstri móðurfélagsins var nærri áætlun árið 2011. Sala á vél- og hugbúnaði var talsvert yfir áætlun, sem skýrist m.a. af aukinni sölu geymslulausna og stærri tölva til stórra viðskiptavina. Sala á Lenovo tölvubúnaði jókst sem og sala á netþjónum og geymslulausnum frá IBM. Þá seldust IP símkerfi og myndfundarbúnaður betur en áður. Sala á hljóð- og myndbúnaði á neytendamarkaði dróst lítillega saman eftir mikinn vöxt árið á undan. Sony Center opnaði í verslun Nýherja í Borgartúni í nóvember og hefur sala þar gengið vel. Mikil áhersla hefur verið lögð á netverslun Nýherja, en sala í henni var mun meiri en árið 2010, bæði til einstaklinga og fyrirtækja.

Tækniþjónusta, sem áður var veitt hjá Skyggni ehf. og Sense ehf., sameinaðist undir merkjum Nýherja hf. í aprílmánuði. Verkefni í upplýsingatækniráðgjöf og tækniþjónustu á innlendum markaði hafa einkennst af óvæginni samkeppni frá fyrirtækjum í eigu kröfuhafa eða fjármálastofnana. Tekjur voru meiri en áður á ákveðnum kjarnasviðum tækniþjónustunnar, en afkoma af rekstri í heild var undir áætlun.

Hugbúnaðarlausn frá TM Software seld til 45 landa

Rekstur hugbúnaðarfyrirtækisins TM Software var í takt við áætlun og góður hagnaður var af rekstri. Sala á eigin hugbúnaðarlausnum til erlendra fyrirtækja var mun meiri en áður. Tempo tímaskráningar- og verkefnaumsjónarkerfið er nú selt til 45 landa, viðskiptavinir eru yfir 1.000 og hefur þessi árangur náðst á nokkrum árum. Á ráðgjafa- og verkefnasviði voru fjölmörg verkefni unnin fyrir innlenda sem erlenda viðskiptavini og verkefnastaðan er góð. Rekstur heilbrigðislausna, áður EMR ehf. sem sameinað var TM Software á árinu, gekk skv. áætlun þrátt fyrir niðurskurð og samdrátt í umhverfinu.

Ágæt eftirspurn eftir SAP lausnum á Íslandi

Applicon ehf., sem sérhæfir sig í sölu og þjónustu á viðskiptahugbúnaði, tók á árinu þátt í umfangsmiklu sölu- og innleiðingarverkefni hjá sænska bankanum Landshypotek með Applicon í Svíþjóð. Aðgengi að yfirgripsmikilli þekkingu íslenskra starfsmanna var lyklatríði í verkefninu, en Applicon á Íslandi lagði einnig til sérhæfðan hugbúnað, svo sem greiðsluferfi og netbankalausn. Verkefnið mun skila tekjum um langa framtíð. Ágæt eftirspurn er eftir SAP ráðgjöf innanlands. Rekstur og afkoma hefur verið góð af orku- og viðskiptalausnum Vigor ehf., sem sameinað var Applicon á árinu. Horfur og verkefnastaða nú í upphafi árs er jákvæð, bæði vegna verkefna á Íslandi og erlendis.

Applicon A/S í Danmörku vinnur að innleiðingu, ráðgjöf og þjónustu við SAP hugbúnað fyrir ýmis stór fyrirtæki í Danmörku, og hefur á að skipa reyndum hugbúnaðarráðgjöfum. Þjónusta við flesta viðskiptavini hefur gengið vel þrátt fyrir samdrátt í dönsku efnahagslífi. Í apríl 2010 gerði Applicon samning við Siemens IT, sem nú er í eigu ATOS, um uppsetningu á umfangsmiklu fjárhags- og birgðahaldskerfi fyrir á annan tug sjúkrahúsa og heilbrigðisstofnana í eigu Region Hovedstaden á Sjálandi. Tafist hefur að taka kerfið í notkun og það hefur valdið Applicon miklum kostnaðarauka. Félagið er samkvæmt samningi ábyrgt fyrir virkni kerfa þar til þau eru tekin í notkun. Gert ráð fyrir að á fyrsta ársfjórðungi 2012 verði kerfið tekið í notkun á fyrsta sjúkrahúsinu og í öðrum sjúkrahúsum á þessu ári og því næsta. Því eru horfur á jákvæðri afkomu Applicon A/S árið 2012.

Mikilvægur samningur við sænskan banka

Afkoma Applicon í Svíþjóð var yfir áætlun á árinu. Þrátt fyrir samdrátt í sænskum upplýsingatækniðnaði er mikil eftirspurn eftir ráðgjöf og lausnum félagsins. Viðskiptavinum hefur fjölgað og viðskipti við núverandi viðskiptavini hafa aukist. Applicon undirritaði á árinu mikilvægan samning um innleiðing á SAP bankalausn fyrir Landshypotek, sem er meðalstór banki í Svíþjóð. Gert er ráð fyrir að því verkefni ljúki á þessu ári.

Afkoma af rekstri Dansupport í Danmörku var nærri áætlunum á árinu og hefur náðst viðsnúningur í afkomu þess á liðnum tveimur árum. Efnahagslægd í Danmörku hefur haft áhrif á upplýsingatæknimarkaðinn þar í landi því fyrirtæki fara sér hægt í fjárfestingum. Í harðri samkeppni á danska markaðnum hefur Dansupport tekist að styrkja stöðu sína og bæta afkomu og eru horfur fyrir komandi ár góðar.

Horfur

Rekstur Nýherja og innlendra dóttufélaga gekk vel á liðnu ári og gera áætlanir ráð fyrir betri afkomu á því næsta. Verkefnastaða og afkomuhorfur Applicon í Svíþjóð eru góðar og gert er ráð fyrir viðsnúningi í rekstri Applicon í Danmörku á árinu. Því áætla Nýherji umtalsvert betri afkomu á komandi ári.

Fjárhagsdagatal fyrir 2012:

Áætluð birting árshlutauppgjörs fyrir árið 2012:

27. apríl.	Ársfjórðungsuppgjör.
27. júlí.	Hálfsársuppgjör.
26. október.	Níu mánaða uppgjör.
30. janúar 2013.	Ársreikningur.

Samþykkt ársreiknings

Ársreikningur 2011 var samþykktur á stjórnarfundum Nýherja hf. 27. janúar 2012. Ársreikningur Nýherja hf. er í samræmi við alþjóðlega reikningsskilastaðla (IFRS-International Financial Reporting Standards). Ársreikningurinn er endurskoðaður af KPMG, endurskoðendum félagsins. Aðalfundur Nýherja hf. verður haldinn föstudaginn 17. febrúar kl. 16:00 að Borgartúni 37.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Félög Nýherjasamstæðunnar í rekstri eru 14 bæði hér heima og erlendis og eru stöðugildi í lok árs 539. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Stjórn Nýherja: Benedikt Jóhannesson, stjórnarformaður, Árni Vilhjálmsson, Guðmundur Jóh. Jónsson, Hildur Dungal og Marta Kristín Lárusdóttir. Þórður Sverrisson er forstjóri Nýherja.

Nánari upplýsingar

Þórður Sverrisson, forstjóri Nýherja, í síma +354 893 3630.

An English version of Nýherji hf.'s 2011 Annual Results Press Release will be available on the Company's website on Monday 30 January.